



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita, Et Gestis S. Francisci Xaverii È Societate Iesv
Indiarvm Apostoli Libri Qvatvor**

Bartoli, Daniello

Lvgdvni, 1666

42. Vexa[n]tur Lusitani & Xauerius à Bonziis.

urn:nbn:de:hbz:466:1-10854

nauigatione in Sinas , indeque in Indiam parato reditu , commicatum à uerij in dis-
Rege perentibus , & profitentibus nomine gentis Lusitanæ gratias im-
mortales , & æternam liberalis receptus , & beneficiorum memoriam ,
cum illustri vbiique illorum prædicatione : respondit Rex se illis Xaueriu-
m inuidere , cuius discessu sibi videretur patre denuo orbati , cogitan-
ti vero se nunc illum postremum cernere , dolorem inuri non consola-
bilem : Regis manum veneratus Xauerius , affirmauit se illum intimo
pectore g. stare , institutum autem assidue apud Deum ut profuse ipsius
beneficentia condigna reponeret præmia , tum ei seorsum amoris pignus
supremum reliquit , aliquot monita , quibus æternitati suæ prospiceret :
Secum nempe animo reputaret , vitæ huius aduersa , & prospera , extin-
guiri morte & absolvi ; alterius autem immortalis , æterna esse , nec un-
quam desitura : Tot Iaponiæ olim Reges , vbinam tunc forent , & quid
is conferret beatitatis peræcta fabula ; si erant flammis vtricibus æter-
nam arsuri ? quam prudens esset negotiatio , breui corporis voluptate ,
sempiternis animam tormentis addicere ? grandilucro , quicquid usquam
vel est , vel esse potest regnorum amitti , & profici , ut cœli regno potiare ,
cuius inita semel possestio , nullis temporum lapsibus excuteretur , aut nu-
taret : hæc veri mordacis effata certissima maiores ipsius hactenus to-
tamque Iaponiam quâ suo commerito , quâ incomprehenso Dei iudicio
ignorasse , videret ipse quam severa ipsi de se incumberet ratio , quanto
te poenæ grauioris constitueret reum , si Dei munere singulari , præmis-
sam sibi ex orbe ultimo religionis veræ , ac salutis facem negligeret , ac
præ illa cæcitatem suam , & voluptates pudendas adamaret , arceret
Dcus ab eius capite tantam perniciem ! se quidem ad hoc quoad suppe-
teret halitus precibus & lacrimis apud Deum aucturum , nihilque sibi , aut
adhuc in viuis , aut iam defuncto venturum optatius quam si intellige-
ret Bungi Regem , sacro tintum baptismō viam certæ salutis insistere ,
suisque populis præire . Hæc verba regi ter lacrimas non sine adstantium
stupore tunc quidem excusserunt , post vero præscripto diuinitus tempo-
re fructum tulere quem saeculus desiderauerat : aduersis enim fortunæ
casibus , tum admonitus , tum punitus , diuinæ se tandem gratiæ permisit ,
& Xauerij (quem semper vocabat anima suæ patrem) iam cœlo beati
æterna gaudia suscepso baptimate cumulauit , ex quo & nomen Fran-
cisci duxit .

42. Dum sic Lusitani discessum adornant , iis extrema quæque Bon-
zij machinantur , Xauerio maximè , cuius causa , Lusitanum nomen exo-
sum habebant : triumphantem igitur abire indignati , se autem spretos ,
& irrisos , ludibrio populi obici , decernunt communī consilio , memo-
rabilī vindicta infamiam illam redimere ; Rei gerenda ordo erat , vt
Amangucij sic Funaj , in seditionem populum agere , dein Lusitanorum
deprædati nrces , naues incendere , ferro illos ad unum delere : hæc si
succederent , regiam aggredi , Regem inuadere , & cum stirpe illius uni-
uersa

42
Vexatur Lu-
sus & Xa-
uerios à Bon-
ziis.

sa de medio tollete, strage ita descripta, quod videretur nimis difficile, veneratorem magnum Xauerij populum in eum proritare, nisi prius calumniis, & contumeliis oppressum; ex condicō in eum fanda, & nefanda congerunt, vilem, sceleratum, mendicabulum, cœlo execrandum, fame, siti, vermis absumi; cimicibus ali, & effosorum noctu cadaenum carnibus; ossibus ad magica abuti, esse enim præstigiatorem, demonem in lingua gerere, & quos alloqueretur incantare. Regi eius amicitia fascinato, circa caput errare vaporem igneum, coronam in cinctores redacturum; stragem populi, nisi ad mentem rediisset, Xacan & Amidam, tam crudelem iurass̄ ut esset toti Iaponia exemplum, & terrori futura: quare nisi foret penitus laea meus, irato cœlo, & falso Bonzio, piratisque illum circundacentibus tempestivè subtraherent se, & meritas de iis pœnas exigerent: hæc & similia surdis quotidiè cantabantur, & Deo criminosa carmina difflahe, nullius in animum penetrabant. Stabat interim nauis in anchoris, & in procinctu Lusitanī, quare alio machinas obvvertunt Bonzij, petuntque ex scipis tela, que à vulgo minime obtinebant. Duodecimā hinc leucā cœnobium erat Miaigimaa nomine; huic Fucarondonus præcerat, portentosæ inter Bonzios literaturæ atque ingenij, cui par nemo toto Bungi regno, quod nescio qua magni nominis in academia diuinitatis pulpitum annos triginta tenuisset, & peritissimus rituum consuleretur pro tripoide. Hunc si Funaiam valerent pertrahere, sperabant ab eo, primo statim congressū pudefactum in Xauerium, & resarcienda sibi auctoritatis afflīctæ detimenta; ob hoc ei per literas insimis precibus supplicant, si quid eum gloria Camidum, & honor tangeret Bonziorum, tantillum hoc itineris ne grauaretur confitore, paucis inde diebus viator, & triumphans, ipsorummet succollantium humeris in suum cœnobium reportandus, explicabant enim itineris causam, & necessitatem. Bonzius, & occasione tam honorifica, & scipio inflatus, ac de prostrato uno Xauerio, non vna se augendum gloriam somnians, sine mora accurrit, adeoque cum suis sex olim discipulis tunc magnis doctoribus. Vela postridie facturi cum sancto Lusitanī Regem ultimò salutabant, cum Fucarondonus Miaigimaa adesse nunciatur, cupere honoris debiti apud Regem officio fungi, simul illum cotam hospitem Bonzium videre; conturbatior ad nomen Fucarondoni Rex, & silens meditabatur ut postea fassus est, prouocationis, huius effugia, quam saltandi officium vocabat Bonzius, vehementer timens ne illi Xauerius longe impar obrueretur eius argumentis, adeo horrore suorum disputationum Bonzius omnia perterreficerat; dolebat Rex optimus & amantisimus viri sancti, eum famæ tunc aleam subire, cum parta catenus ingenti gloria erat in patriam redditurus; iamque illò vergebat, ut accessum Bonzio negaret, cum perplexum eius animum diuinans Xauerius, roganit Bonzium admitti, & audiri, liberè quoad vellet seu dicentem, siue disputantem, sibi vero nihil esse sollicitum, Christi enim doctrinam

doctrinam quā ipse prædicasset, non esse natam ex Academiis, nec humano promptam ingenio, sed Dei ipsius magisterio traditam, nec quicquid vel in Iaponia Bonziorum, vel esset in orbe Sapientum, plus ei posse officere quam soli tenebras, sic apertis Fucarondanus foribus aulam intrat.

43 Regi ter de more prostratus, & Xauerium à capite, gravi, & severo aspectu emensus, ad latus confudit, atque ita incœpit. Haud scio, vir egregie, me noris necne? seu melius agnoris? responderet Xauerius, non meminisse, vsquam antea ab se visum, ad quæ altum cachinnans Bonzius, suosque contuens; video comites, parum nobis cum isto negotij fore, qui mecum olim plus centies pactus, nunc ab se visum aut nescit, aut fingit nescire: post ad eum conuersus, & procaci risu; estne aliquid super, etiamnum, inquit, de illis mercibus quas Freniomæ in portu ex te coemeras? cui sanctus sedatè, qui solebat modestia, mercaturam, ait, tractavi nunquam, neque Freniomam, sed neque te vidi. Proh obliuiosum, & cerebro crassum! intulit Bonzius, stultam fingens, & cachinno iuuans admirationem: id ergo tibi mente exciderit: tu vero, infert, placide vir sanctus in mentem sis mihi, reuoca, si forte me longuis meministi, faciam, infit Bonzius, & molestissimam narrationem occipiens, planè tanquam delitans, anni sunt sunt ait, supra mille quingenti, ex quo tu & ego Freniomæ in mercimonio pannorum versabamur, & ex te serici centum fasces, magno meo lucro illic emi. Meministin anno? non potes quin id memineris. Hinc iam vltro aduertens Xauerius, quo miseri tenderet, respondendi venia venerabundè ab Rege postulata, interrogavit hominem, quot annorum esset; duorum & quinquaginta cum diceret, qui potes ergo, inquit Xauerius, quindecim retro sœculis fecisse mercaturam, si vix medio sœculo maior es? & quo pæsto tunc ambo Freniomæ, inter nos miscere commercia, si ante annum sesquimillesimum, sylua, & desertum fuit Iaponia, nec ab ullo adhuc mortalium culta, ut magna pars vestrum & sentit, & docet? attende sis, retulit Bonzius, & ex me audies quæ mireris, discelsque tandem nos esse præteritorum, rerum, ac temporum, quæ vos præsentium doctiores. Ignoras enim, carere mundum principio, homines quos mittit in hæc vitam continuata nascendi series, cum deficere videntur, nequaquam desinere, sed hoc terreni corporis inertis & pannoso spolio animam euolui, & exui, ac putrescente cadavere, aliud sibi nouum corpus, solutam & liberam querere, illud scilicet in quo renascimur seu masculum sive foemineum, pro varia syderum conformatio, & Lunæ momentis sub quibus in lucem edimur; nam si foret materiæ nostrorum corporum, æqualis cum anima æuitas, nesciuros nos vñquam mortem, sed cum rerum ex quibus concrescent, initia caduci sint roboris, & effæti, necesse est illa identidem refici atque innouari, & mortalium multorum supplemento, vni præstare immortalitatem. Ex ea nascendi vicissitudine, fortunæ quoque vices existere;

43
Disp. Xauerij
contra Fuca-
rond. Bonzii,